

同治五年丙寅刊

枝江縣志

板藏縣署

枝江縣志卷之二

地理志中

疆域

縣爲楚開基地漢置縣後縣治屢遷幅幘廣狹靡得而考至宋遷下沱卽今縣治也按之方輿東西廣一百四十里南北袤一百二十五里環境五百里有奇其四封東至石套子交江陵縣界一百二十五里南至洋溪橋交松滋縣界十五里西至羅家衝望佛山交宜都縣界十五里北至三界場交當陽宜都二縣界

枝江縣志

卷之二

地理志中

一

一百一十里東南至流店驛過江交松滋縣界一百二十里西南至碾盤衝官木山交宜都縣界三十五里西北至青夾洲交宜都縣界十里東北至鳳臺交當陽江陵二縣界一百三十里由長江至 府一百八十里陸路一百五十里由長江至 省一千一百五十里由內河九百里陸路七百一十里由陸路至 京師三千三百六十里

大江上通巴蜀下接漢沔襟帶南北舊時志

紫山聳踞其南白水逶迤其北楚紀

江分數枝以潑洄洲橫百里而擁護湖北通志

邑自宋以前編戶十一鄉宋十鄉明編戶八里經明季

兵燹田地荒蕪戶口凋殘版籍無稽

國初開墾因時制宜按現在糧簿編定八都又一都曰

更名都則前明福惠二王莊田繡錯八都之間者也

共九都

下沱市距縣二里八景山市夕陽即此

白水港距縣二里八景川白水曉渡即此見山

大溪坪距縣五里

枝江縣志 **卷之二** 地理志中 二

芭芒河距縣五里

涘字洲距縣五里三洲一烟浪之

澗洲距縣七里三洲一烟浪之

按涘澗二洲今皆為水洗冬涸猶有痕出

官墻坪距縣八里

青夾洲距縣十里接宜都界

碾子河距縣十里

七嶺荒距縣十三里

羅家衝距縣十五里接宜都界

胡家畝距縣十五里

石門村距縣十五里

汪家橋距縣十五里

鍾家衝距縣十五里

守家衝距縣十六里  
都接界宜

趙家湖距縣十七里

架鍋山距縣十八里  
都接界宜

李坪距縣二十里

橋梁距縣二十五里

枝江縣志

卷之二 地理志中

三

九道河距縣二十五里

龍山坪距縣二十五里

上花溪距縣二十五里

必達橋距縣二十六里  
都接界宜

邵二河距縣二十八里  
都接界宜

高橋距縣三十里  
都接界宜

南坡距縣三十里

張家場距縣三十里

檀樹林距縣三十三里

水井坪距縣三十五里

碾盤衝距縣三十五里都接界宜

官木山距縣三十五里見接山宜都界

以上一都

關洲距縣十五里三洲烟浪之一

按洲於咸豐十年水洗殆盡若洲腦築一橫隄以殺

水勢復可淤積

車陽河距縣十八里

刹園寺距縣二十五里

枝江縣志  卷之二 地理志中

四

獨桐樹距縣三十里接松滋界

新場距縣一百二十里

下百里洲距縣一百二十里

石套子距縣一百二十五里接江陵界

以上二都

漏洲距縣四十里

彭陽垸距縣四十里

灞洲距縣五十里

羊角洲距縣五十里

董市鎮距縣六十里居民稠密半於集

閩家嘴距縣五十五里

匡鄭嶺距縣六十里

袁家畝距縣六十五里

王家坪距縣六十五里

馬家畝距縣七十里

黃金廟距縣七十三里

裴家衝距縣八十里

瓦剎壩距縣八十里有碑記見藝文

枝江縣志

卷之二 地理志中

五

橫店子距縣九十里

高峯寺距縣一百里

三界場距縣一百一十里枝江宜都當陽縣交界處

以上三都

立巖坪距縣三十里

南岡坪距縣六十五里

龍家岡距縣七十里

鄒楊坪距縣七十里

拽車廟距縣七十里見古蹟

三汊港距縣七十五里

石巷子距縣八十里

清溪寺距縣八十里

覃家廟距縣八十里

周家場距縣九十里

仙女廟距縣九十里

魏家坪距縣九十里

蔡家畝距縣九十里

黃龍寺距縣一百里

枝江縣志

卷之二

地理志中

六

蕭家場距縣一百里

證盟山距縣一百里

石子嶺距縣一百一十里

雲夢橋距縣一百二十里

按雲夢名橋義無可考相沿已久仍舊載之

朱頂廟距縣一百二十里

清水壩距縣一百二十里

以上四都

萍洲距縣六十里

苦草洲距縣六十五里

蘆洲距縣七十里

澌洋洲距縣七十里一舊本亦作二澌湟今并爲

蘆花洲距縣八十里

馮口市距縣九十里

揚旗腦市距縣九十里見古蹟

堞子堰距縣一百二十里

袁馬頭距縣一百二十里

以上五都

枝江縣志  卷之二 地理志中

七

彭家衝距縣七十五里

唐家衝距縣七十五里

廣濟寺距縣八十里

青塚子距縣八十五里

余家衝距縣九十里

笱家衝距縣九十里

田家衝距縣一百里

施家岡距縣一百里

以上六都

楊家場距縣七十里

樊家場距縣七十五里

王大人河距縣七十五里見古蹟

趙河距縣八十里

劉巷市距縣八十里

熊河距縣八十五里

江口鎮距縣九十里鎮濱江路通川蜀商旅絡繹

婁洲垸距縣一百里

閘口市距縣一百一十里

枝江縣志  卷之二 地理志中 八

謝家橋距縣一百里

淡家坡距縣一百里

上百里洲距縣一百里

以上七都

李家灣距縣六十五里

鱧魚壩距縣一百里

潘家廟距縣一百一十里

瓦廟子距縣一百一十里

鳳臺市距縣一百一十里

問安寺距縣一百一十里

鄧家壩距縣一百一十里

龔家閘距縣一百一十里

鮮家港距縣一百一十里

栗樹坡距縣一百一十里

東嘴垸距縣一百一十五里

草埠市距縣一百二十里

佛華寺距縣一百二十里

高家廟距縣一百二十里

枝江縣志

卷之二

地理志中

九

□華寺距縣一百二十里

瓦窰湖距縣一百二十里

吳家港距縣一百二十里

曹家畝距縣一百三十里

以上八都

洋溪鎮距縣十五里

接松滋界

官坪距縣十五里

陸家畝距縣十五里

下花溪距縣二十里

石馬衝距縣二十里

明月寺距縣二十五里

和陽店距縣二十五里接松滋界

何家畝距縣三十里

樓子巖距縣三十里接宜都界

熊家衝距縣三十里接宜都松滋界

饅頭嶺距縣三十五里

偏洲積善里距縣四十里

橫嶺距縣四十五里

枝江縣志

卷之二

地理志中

十

廖家溝距縣南四十五里界連松滋趙家坡四圍皆屬

松滋地有軍無民

以上九都

按形勢邑西南附郭多山官木山其最高者羣巒盤曲脈絡相聯有巖有洞有泉溪橋梁而高原墾田林木絕少路之大者有二一由城西三十里高橋至宜都王家畝通宜昌之鶴峯州長樂縣一由城西南二十八里邵二河至宜都土地嶺通松滋及湖南澧州皆踰山越嶺所謂崎嶇不易行者也東北臨大江十

數洲羅列江心惟百里洲最古亦最大南爲外江北爲內江風帆往來絡繹不絕北岸無山處有隄垸地多平行有港有橋梁津渡江之南有驛路由松滋縣至洋溪橋入邑境行十八里至白水港交宜都縣界出邑境其大路在江北者東走江陵北通當陽遠安西北往東湖至南岸有洋溪鎮北岸有董市鎮江口鎮皆濱大江人烟叢聚水陸交通邑中要隘處也邑治背山臨水荊州扃其外戶宜昌控其上游介居松宜兩縣之間形勢亦可自固惟守土者圖之

枝江縣志

卷之二

地理志中

十一

山川

金雞山在縣署後亦名筆架山相傳有金雞栖此故名福傳山在縣署西南形如覆船舊名覆船山邑令周仲士易今名

紫山在縣南三里山前有文筆峯

紫山之冬翠八景之一

龍泉山在縣西南五里山自龍山坪蜿蜒十餘里至此迴身反顧峯巒秀削石壁嶙峋上爲龍泉寺澧陵張香槎有嶺背疑無路峯迴却到門之句山下有泉白石罅出曰龍泉

金紫山在縣西北四里下有老鴉湖朝暎初射山色湖光交相掩映絢爛奪目成金紫色

獨柱山在縣西十五里石門村孤聳雲際直立若柱

募旗山在縣南二十里

見古蹟

石馬山在縣南二十里山以形名又南十里有馬鞍山亦肖形也

香爐山在縣西南二十五里山上有寺曰雙泉觀其南有山盤旋如螺形名螺山

五峯山在縣南三十里上有五峯因名

枝江縣志

卷之二

地理志中

十二

官木山在縣西南三十五里初設縣治取木於此其巔有坎名天生堰每雲霧起輒雨諺云雲掩天生堰有雨卽日見

青龍山在縣東對江二里

鳳凰山在縣東北對江六里

金盆山在縣東六十里董市後湖四面平坦中起一峯其形如盆邑令周仲士有碑記

見藝文

烏陽岡在城北二里其側有演武亭今廢

陽和嶺在縣南紫山西北距縣三里宋元學宮基也明

萬曆間耕者獲二銅籩於此一歸居民唐鑑一歸僧少誠

九條嶺在縣西三十五里

接宜都界

掛榜巖在縣西南五里上有覃元帥墓

見古蹟塚墓

斗巖在縣西南十五里甯家畝北峭壁屏立高數十丈蒼蘚古藤掩映如畫

樓子巖在縣南三十里

立巖在縣西二十里巉巖屹立巖下有石洞二其出水者曰腰磨洞古峭幽深盛夏無暑中有石如磨故名

枝江縣志

卷之二

地理志中

十二

其納水者視腰磨洞較寬口大洞其上又有一洞離地三四十仞相傳中有金杯玉箸等物無磴可攀人鮮有至者

穿孔巖在縣北對江十五里有水自孔中出通渚溪雲棲洞俗名猴子洞在縣西五里怪石壁立懸巖欲墜稠木傍生凌空交合半巖間有洞若門捫巖盤曲而入若闢一洞天內有泉自西隅出四時不竭極清冷即僧了紀棲真處

見仙釋

龍洞在城西十五里汪家衝洞側有潭空碧漣漪游魚

可數昔有居人陳元長嘗微雨垂釣忽雲塞洞口有物飛舞雲氣中若足練然移時不見其水常清有時濁則腥不可飲人謂龍洗洞

白雲洞在縣西南十五里石壁峭立壁下有門由門進纔十數武有光下射中頗夷敞彷彿武陵勝境

羅老洞在縣西二十五里深二里許其中有潭水清冽明成化四年大旱居民禱雨於此遂獲有秋

見古蹟

石龍洞在縣南三十里石龍山下洞中水出曰石龍溪龍泉洞在縣西南三十里古木峭巖幽深可愛邑令秦

枝江縣志

卷之二

地理志中

十四

武域手書龍泉洞三字鐫諸壁

響水洞在縣西十八里

天心洞在縣西二十里香爐山北巉巖高聳巖下有門入數武天光一線透石罅中四照壁上懸石層疊如蓮花亦異境也

龍王洞在縣西十六里檀木園林巖幽邃泉出石窟漣漪清潔北流過石門村入芭芒河居人建龍王祠於洞口禱雨輒驗

實竹衝在縣西南二十五里地產實心竹又有石如筍

形曰石筍

鹹池衝在縣西南三十里九條嶺下泉水味鹹故名

石籟在縣東南二里江邊有石如籟水落乃出

石籟網邑八

景之一

石鼓在縣東南七里江邊有磐石高二丈餘形圓如鼓

求雨臺距縣西四里山形高峻頂平若臺遇旱居人立

壇禱雨於此

大江經縣治北禹貢岷山導江東別爲沱又東至于澧

過九江至于東陵

此古之經流

川瀆異同大江又東經夷

枝江縣志

卷之二

地理志中

十五

陵州南又東經宜都縣北又東北經枝江縣北又東

南經松滋縣北又東北經荊州府城南又東南經公

安縣北又東南經石首縣北又東經監利縣南又東

經華容縣東北

此後世之經流

禹貢錐指寰宇記云百里洲

首派別南爲外江北爲內江

按外江爲江內江爲沱故王晦叔謂百里洲夾江沱

二水之間江之洪流常屬外江道光十年以前尙如

故後外江積年澱淤又沙洲棊布壅塞江中洪流徙

行內江而沱勝於江矣是數千餘年江流一大變局

也

沱水禹貢錐指傳云沱江別名正義曰導江言東別爲沱是沱爲江之別名也釋水云水自江出爲沱一在江南水經注夷水出魚腹縣江至夷道縣北東入江者是一在江北寰宇記江至枝江縣百里洲首派別北爲內江者是詩召南曰江有沱荊州之沱也  
沮水出鄖陽府房縣西南景山漳水自臨沮至當陽注焉至縣治東南入江

按沮漳會於當陽界兩河口流至鳳臺入邑境又流

枝江縣志

卷之二

地理志中

十六

至婁家洲分流至窰子口入江後窰子口淤塞遂盡歸江陵地界筓箕窪入江

白水源出邑西南山中其南曰花溪西南曰龍山坪曰石龍口西曰芭芒河又西曰朝禮寺宜屬西北曰赤溪河又西北曰洋津畷宜屬皆以泉石之水迴環流數十里會於西湖復流至白水港入江

見疆域

按舊志於白水水下注水自容美出據邑令周仲士山水記云云以今考之長陽長樂等處皆容美當日所據不獨鶴峯也改上歸流地界無稽茲溯所自源盡

於邑西南山中因卽其有可考者詳之

花溪源出龍井由必達橋流至花溪橋與龍山坪石龍口水會又西至掛榜巖芭芒河水入焉曰兩义河名勝志源通大江春月兩岸桃花盛開若蒸霞然

洗脚溪在縣南一里

三郎溪在縣東南三里石簿右

徐家溪在縣東南八里水自官坪出

洋溪在縣東南十五里水自樓子巖出至胡家橋與松屬分水嶺西流溪水會於陶家湖至市後與石馬衝

枝江縣志

卷之二

地理志中

十七

水會入江

渚溪在縣東江對岸水入江江行多避風於此

滄茫溪在縣東五十里由玉泉發源行六七十裡至九龍觀右臂東來一支曰橫溪西行十餘里繞九龍觀後與右臂之水會流入瑪瑙河過法湧寺至滄茫溪出大江約百餘里

龍王潭在縣西一里

和尚潭在縣西南二十五里潭中有石直立頂圓如僧常沒水中頂露必雨每遇旱居人輒以桔槔汲潭水

石出雨至極驗

龍泉出龍泉山下涓涓清流四時不竭水入大溪

花魚泉在縣西南十二里鍾家衝泉多花魚其狀如鯢  
紅黑白三色相間斑駁可愛泉因以名

雞公泉在縣西十六里水從危石中出清晨聽之隱隱  
若雞聲因名石上有冬青樹數株棉麻藤施於上曲  
蟠如虬龍枝葉古茂有明時物也相傳居人伐之則  
雲興雷作故至今猶存

白馬泉在縣西三十里相傳居人見有白馬逐之入泉

枝江縣志

卷之二

地理志中

十八

中

石筍泉在澌洋洲等界寺前有石如筍傍溢甘泉故名  
今塞

董灘口在縣東六十里

董市水府廟港口水分三大支其中一支自三界場分  
兩小支行二十餘里至兩河口會流至瓦剎壩入董  
市後鄉過龍頭橋歸港口出水府廟前至大江約四  
五十里東一支自高峯寺過揚旗腦至屈家店會清  
溪寺過丁家灘出水府廟前歸大江約三四十里西

一支自靈廟子起過黃金山之白鶴墘又過殷家口  
至大山子入董市後鄉過龍頭橋出水府廟前歸大  
江約三四十里

江口在縣東九十里

江口港口源出玉泉由橫溪分枝過青溪楊家灘入西  
湖以達於江

窰子口在縣東一百里卽沮水分流入江處今塞

江岔口在縣東四十里南渚洲漏洲之間江沱分枝處  
按南渚洲卽羊角洲接百里洲首

枝江縣志

卷之二

地理志中

十九

石龍口在縣西南十五里兩岸皆山山有石對出形如  
龍蜿蜒入溪交相聯絡若關鎖然其源西出龍洞南  
出花魚泉會於石龍口上游迴環如九字名九字溪  
溪上有玉屏峯白鶴山林巒掩映水複山重蔚然深  
秀亦勝概也

草埠港源出玉泉由紫蓋山南入枝江界過曇華寺草  
埠南瓦窰垸張家口以達於沮漳

沙港其源由石子嶺分二支至證盟山南滙爲一東流  
至太平垸南以達於沮漳曰漩水港

罐子灘在縣東上百里洲南岸距縣六十里陸放翁人

蜀泊罐

入蜀記作灌

子口卽此

見藝文

金沙灘在縣東上百里洲北岸

堆烏灘在縣東江對岸五里響聲若雷入蜀第一灘也

今淤

雲夢澤杜預曰枝江縣安陸縣有雲夢蔡沈曰周禮職方荊州其澤藪曰雲夢方八九百里跨江南北華容枝江江夏安陸皆其地也

按羅泌白雲夢楚之二澤也江南爲夢江北爲雲以

枝江縣志

卷之二

地理志中

二十

其跨江相比而謂雲夢爾雅十藪楚有雲夢後世以爲一澤故杜預以雲夢藪爲巴邱湖酈道元謂自江陵東界爲雲夢北爲雲夢之藪誤矣按左氏春秋傳昭公三年鄭朝楚楚子田於江南之夢邳子之女生子文棄之夢中則江南之夢澤定公四年吳入楚楚子涉睢濟江寢於雲中卽江北之雲澤也雲土夢作又者雲在前爲水所沒至是而始得爲土夢在前雖土而未可作至是始可作而又之蓋夢地差高而雲下論者不知旣以雲夢爲一澤復謂古經乃雲夢土

作乂者非也春秋文耀鉤云大別以東至富春九江  
衡山皆雲夢也而子虛賦云雲夢方九百里南有平  
原廣澤緣以大江而安陸有雲夢縣是合而爲一矣  
沈立云雲卽今之玉沙監利景陵等縣夢卽今之公  
安石首建甯等縣自史漢亦然班生志地而華容枝  
江若江夏之安陸皆有雲夢學者遂莫知所適從宋  
山川記郭璞皆以夢爲南郡華容巴邱湖則枝江也  
方楚子之涉睢濟江以避吳兵而華容在楚之南安  
陸在楚之東故或者謂避吳之行當不在此謂雲在

枝江縣志

卷之二

地理志中

二十一

江北而以濟江者爲指漢言之益謬

錄路史

獲湖在縣治東南太平寰宇記宋沈攸之爲荊州刺史  
堰湖開瀆通引江水田多收獲故以獲名

按元和郡縣志獲作穫

老鴉湖在縣西三里今涸爲田

孫家湖在縣北九十里湖分東西地沃可耕

國初設荊州駐防湖西爲鑲藍旗禁軍牧地與民耕牧  
相錯時有爭控前令王世爵詳請各憲以西湖地丈  
實三千畝撥給旗軍牧放餘皆民地此乾隆五年案

也咸豐九年又奉委會勘計丈三千六百七十畝零三分除開渠低窪地不能佃墾外實得成熟田一千四百三十畝零八分招佃墾種應征租錢六百七十九串五百九十文由縣征收解府轉解旗營支放兵餉

滄灘湖在縣北一百六十里

洗心湖在舊學前

按舊學基王志城池圖載西門內

官柴湖在江口後保甯坑內離縣一百里地勢窪下或

枝江縣志

卷之二

地理志中

二十二

值淫雨頓成汪洋舊爲瀦水之區近因坑成民亦漸墾然害多利少不如蓄草之便當年以官柴命名必有謂也

神井在紫山下相傳有騎者飲馬於此馬立仆人神之故名

鐵索井在縣西隅昔有女曉汲見鐵索盤繞井欄女懼回家率眾視之不見又縣西十五里石門村有魏氏婦暮雨行汲忽見鐵索之異今亦曰鐵索井

大通井在縣署金雞山下

雙井在縣署右巷口巷因以名

金花堰在縣西南二十里香爐山北昔有土人耕得金花等物不辨爲何代所遺有聞堰中聲若雷轟水輒涸踰時盈如故近居年老者嘗見其異

友蟬氏曰職方正南曰荊州荆爲楚木號枝江乃楚故都由前言之自春秋至戰國數百年相承霸業固有由開由後言之自西漢迄有明廿二史所列邑名未之或易言江則巫峽奔流始分兩道言山則紫衣輝映遠溯三分言都鄙曰下沱曰津鄉曰丹陽聚紀

枝江縣志

卷之二

地理志中

二十三

載維昭言洲渚爲富城爲岑頭爲楊閣浦流傳已久論者謂星野以辨九州南郡入翼十度烏帑之害當爲全楚咎徵鶉尾之躔何獨偏隅分野豈知乾坤覆載無私日月容光必照勢分參商豈曰彈丸此地候占熒惑正非坐井觀天至云世遠縱橫不得侈談形勝然而枌榆猶舊與漢社以齊觀禾黍方新偕殷墟而同慨千秋禹甸一代楚疆知僭號之非證蕩心之故蓋當年授子於茲今日求沈沙斷戟而亦不可得不禁憑弔徘徊而不能自己也

古蹟

丹陽徐廣史記注丹陽在南郡枝江縣路史武王徙枝

江亦曰丹陽是爲南楚

通陽今與從路文徒丹

丹陽城孔穎達史記正義楚居丹陽今南郡枝江縣故

城

雲夢城後漢郡國志華容侯國注枝江縣有雲夢城

按漢志載縣有雲夢城今失其處存之備考

丹陽聚後漢郡國志枝江有丹陽聚

津鄉水經注縣西三里有津鄉津鄉里名也春秋莊公

枝江縣志

卷之二

地理志中

二十四

十九年巴人伐楚楚子禦之大敗於津鄉應邵曰南

郡江陵有津鄉今則無聞矣郭仲產云尋楚禦巴人

枝江是其塗便

按大敗於津鄉左傳無鄉字

沮中縣舊治

按沮本作睢左傳曰江漢睢漳又口涉睢濟江亦作

沮方輿類纂今襄陽以南沮水左右地皆曰沮中亦

謂之沮中枝江舊治當在當陽縣治以下左右盛宏

之曰縣舊治沮中後移出百里洲西去郡一百六十

里其年代亦無考存參

三洲太平寰宇記陽洲隴洲迴洲三洲洲中最大是百洲之數

三十七洲荆南志縣界內洲大小凡三十七其十九有人居十八無人居

九十九洲盛宏之荊州記云自縣西至上明東及江津其中有九十九洲楚諺云洲不百故不出王者桓元有問鼎之志乃增一洲以充百數僭號數旬宗滅身屠及其傾敗洲口消毀今上在西忽有一洲自生沙

枝江縣志

卷之二

地理志中

二十五

流迴薄成不淹時其後未幾龍飛江漢矣水經注曰此今上是盛宏之荊州記中語謂宋文帝也

富城洲水經注縣東南二十里有富城洲

按此據舊縣治言

迤洲水經注縣東北十里土臺北岸有迤洲長十餘里義熙初武烈王斬桓謙處

按宋書宗室傳劉道規封武烈王言縣東北亦據舊治言

新洲太平寰宇記渚宮故事云梁王僧辨滅侯景湘東

王卽位於江陵時議遷都御史中丞劉毅等進曰臣等聞荆南之地有天子氣又渚宮洲已滿百梁典云太清末枝江縣楊閣浦忽生一洲羣公上疏稱慶明年元帝卽位承聖未其洲忽與大岸相連唯九十九洲而已

楊閣浦

見前又見雜志

按宋書作楊子閣浦

岑頭洲方輿紀要百里洲之首也後漢岑彭討公孫述憩此因名

枝江縣志

卷之二

地理志中

二十六

養由基射臺在陳家渡相傳養由基習射於此後爲陳家廟廟基原有碑記其事今淤沒

陸通港在江口東北蕭家山東相傳爲接輿故里

按邢昺論語疏陸通卽楚狂接輿太平寰宇記載陸通於荊州人物中

紫山一名着紫山相傳漢昭烈入蜀着紫衣登山載木

主祀景帝於此

見山川

募旗山縣南二十里相傳漢壽亭侯募軍樹旗此山

拽車廟在董市東北八里地名張頭嶺相傳昭烈入蜀

張桓侯爲帝拽車於此

揚旗腦相傳漢壽亭侯出獵樹幟於此

見疆域

放鷹臺與揚旗腦毗連相傳漢壽亭侯出獵放鷹處

飲馬池縣南三里相傳漢昭烈同關張飲馬於此

射垞堰縣東一百一十里相傳漢壽亭侯鎮荊州習射於此

印馬塌在射垞堰東二里相傳漢壽亭侯閱馬於此

洗碗池在江北龔家灣離縣一百二十里相傳漢壽亭

侯軍士洗碗處今有廟

枝江縣志

卷之二

地理志中

二十七

按邑中古蹟以漢壽亭侯得名者居多昭烈入蜀邑爲必由之路而侯在荊州威震華夏是以故老流傳至今不忘彙而存之亦激發忠義之一端也

羅老洞相傳有羅姓老人隱此自號青城山人後不知

所之故名

見山川

百里洲故城

王志曰晉避苻堅之銳荊州刺史命向戍移沮上舊城於此今遺壘猶存

謝志曰水經江水東逕上明城北注云晉太元中苻

堅寇荊州刺史桓冲徙渡江南使劉波築之移州治城也其地夷敞北據大江江汜江當作沱枝分東入大江縣治洲上故以枝江爲稱據此則上明城卽邑之故城又按晉書桓冲本傳冲疏云南平**虜**陵縣界地名上明在吳時樂鄉城以上四十餘里地理通釋上明故城在松滋縣西一里據此上明城乃松滋縣地今舊治作向戌故壘且云晉避苻堅之銳荊州刺史命向築不載刺史姓名亦不詳向戌爲何許人考晉避苻堅之銳時乃桓冲爲荊州刺史無命向戌事未審

枝江縣志

卷之二

地理志中

二十八

舊志何據

按水經注文義劉波所築乃州治王志載向戌故壘乃縣治但向戌不知何人耳

劉凝之故宅水經注縣東二里有縣人劉凝之故宅見人物

按縣東二里者謂百里洲故城也

范儕精廬水經注縣東南富城洲上有道士范儕精廬

見人物

庾處士承先宅在舊縣東北十里土臺山見人物

庾臺在百里洲西

按名勝志一云庾信宅一云庾亮講經於此亦名講經臺考晉書亮爲荊州刺史治武昌與枝絕遠其云講經於此未知何據王志又以江陵有庾信宅遂謂庾信不應到枝江辨附後

陸法和宅一曰講經臺在庾臺後數十武今爲準提庵

見人  
物

枝江亭一名白虎王君廟水經注縣有陳留王子香廟頌子香於漢和帝之時出爲荊州刺史有惠政天子

枝江縣志

卷之二

地理志中

二十九

徵之道卒枝江亭中常有三白虎出入人間送喪踰境百姓追美甘棠以永元十六年立廟刻石銘德號曰枝江白虎王君其子孫世令猶謂之爲白虎王庾子山慕容甯神道碑云德陽青石之墓千秋未平枝江白虎之碑百代無毀梁簡文帝詩云孫生酸棗寺王子枝江樓疑卽咏此

南亭唐韋庇建皇甫湜有記

見藝文

仰周亭在縣治前蓮花池上爲周茂叔建今廢

按周志載周子判夔過此觀蓮王志據周子本傳辨

其非謝志以爲是附辨於後

道愛堂元至大中縣令程德建今署後廳卽其遺趾  
王大人河在縣東七十里江北岸明初定西侯王綱故  
里舊有石坊江水衝塌止遺一碑字跡漶漫無能讀  
者今子孫猶蕃衍云

安寶寺一名棲真臺名勝志枝江富城洲在舊縣東南  
二十里卽范濟所居後爲安寶寺陳希夷建棲真臺  
於寺內

塚墓附

枝江縣志

卷之二

地理志中

三十

楚昭王墓在縣西北當陽接界處

巫回臺舊志在縣東百里洲卽楚懷王墓其鬣屭尙存

唐張說有詩

見藝文

按楚諸王墓見於紀載者絕少惟括地志云熊繹墓  
在歸州秭歸縣皇覽云武王墓在汝南郡鮦陽縣葛  
陵鄉王粲登樓賦曰西望昭邱則昭王墓之在縣內  
與當陽接界處可無疑至懷王立三十年爲張儀所  
詐入秦以其子頃襄王卽位之三年卒於秦秦人歸  
其喪世家注不云葬處其云墓在百里洲自唐張說

迄

國朝王士正皆有詩似有徵矣乃近代有耕者得碑碣於田中實明藩貞惠王墓列其子悼懷王名焉所謂鬮屬尙存者固明物也蓋以明懷王爲楚懷王久矣然張說所云反葬枝江陽者在明以前六七百年或又自有其地與存參

春申君墓在黃塚湖舊有碑今淤沒

按春申君爲李園所害墓在壽州城東門外此地復有墓豈其子孫逃於此立虛墓以祀之與存之備考

枝江縣志

卷之二

地理志中

三十一

宋枝江令姚肩墓在上百里洲肩四川人宋南渡時任

枝江令卒葬此

見職官又見藝文山水記

宋朝散大夫史子翬墓在縣南十五里石龍口明萬曆二十六年土人耕得其墓并誌石縣令周仲士爲改葬焉

明定西侯王綱墓在野貓壩今遺碣尙倚水濱

按道光十二年壬辰松滋縣史家灣隄潰土人掘出一棺視之衣冠偉然明製也墓前有碑亦作定西侯王綱字據此則野貓壩之遺碣未必確爲墓前物抑

或先葬於此而後改遷歟存參

明千戶覃達墓在縣西南五里掛榜巖洪武中勅葬  
李將軍墓在鳳臺將軍名鑰明湘獻王護衛也卒葬於  
此子孫因家焉今支庶猶繁衍

明楚藩蕭妃墓在蕭家山

龔英墓在閘口

龔讓墓在鳳臺西湖

宋荆山墓在田家衝本宅西南

邑中八景附

枝江縣志

卷之二

地理志中

三十二

紫山冬翠

孤峯高插雲端殘冬積雪凝□松□尤見挺秀名流  
題詠允爲勝地

白水曉渡

縣北三里有白水渡殘雞三唱卽聞沙中偶語柳林  
外一聲欸乃扁舟如駛日出烟消令人穆然意遠

三洲烟浪

關溇澗三洲絡繹燈火相望當風平浪定波光迷離  
縹緲殆不啻十洲三島云

山市夕陽

沱水鎮昔年殷盛後頻遭劫燼平原曠野一片斜曛  
矣然夢華有錄猶令人感今而思昔焉

彌勒梵鍾

淨居寺在關洲一名彌勒菴殿閣憑虛樓臺近水僻  
處沙渚迴隔塵囂洪鐘送江上之音清籟徹山間之  
耳泠然聽之亦足豁煩襟而空世慮

蓬萊仙境

北城大通寺倚金雞山麓對郭臨江市塵中自闢淨

枝江縣志

卷之二

地理志中

三十三

光緒二十一年補刊

地而白雲縹緲時時生於靈棹飛棟之間神仙不可  
接蓬島固在人境也

石簞漁網

縣東南江邊有石如簞漁人晒網於此烹魚沽酒偷  
閒半晌停橈一唱猶見西塞興致

花溪牧笛

花溪在縣西南一水潏洄兩岸逶迤澗邊野花爭發  
俱饒幽艷夕陽西下牧童抱犢羣歸短笛橫吹樵歌  
遙應五月落梅之調不是過也

王志曰古人已往風流如在某水某邱何代之勝蹟也一木一石何賢之桑梓也外黃帝邱不廢學博瑯琊鄆國尤尙推求若云事遠年湮置古蹟於不問奚以志爲哉破塚之硯以苔蘚而彌珍廢邱之壺以沉埋而益重宅里井疆關涉古人者亦當作如是觀按凡志必圖八景相沿成習邑中所紀特就縣治左右言之其實山川之勝不止於此有謂白水曉渡毗連宜都不盡枝地而三洲烟浪彌勒梵鐘在大江中浪淘歷年遺迹漸滅殆盡蓬萊仙境北門大通寺也

枝江縣志

卷之二

地理志中

三十四

光緒二十一年補刊

昔年規模宏敞丹碧輝煌爲一邑鉅觀咸豐十年大水漂沒是八景半屬子虛矣覽物興懷良深感喟然滄桑疊易勝蹟猶傳實去名留今猶古也靈運之屐獨具大觀少文之遊亦圖勝概故仍其舊以列於古蹟之末